

समे – 12:25 hrs.

<><><><><><>

Assembly-Bills

जम्मू ते कश्मीर विधानसभा नै कल खर्च-अखराजातें सरबंधी बिल गी बी पास करने दे कन्नै केन्द्र शासित प्रदेश दे 2025-26 बरें लेई 1 लख 12 जहार करोड़ रुपें दे बजट गी मंजूर करी लैता ऐ। आकाशवाणी दे जम्मू संवाददाता दी रिपोर्ट मूजब, सोआलें आहले समें दे बाद, विधानसभा नै मुखमंत्री ओमर अब्दुल्ला हुंदे आसेआ पेश कीते गेदे खर्च-अखराजातें सरबंधी बिल गी पास करी दिता। एह बिल बीजेपी विधायकें दी गैर-मजूदगी च पास कीता गेआ, जि'नें ध्याड़ीदारें दे मसले गी लेइयै एहदे शा पैहले सदन थमां वॉकआउट करी दिता हा। ध्यानजोग ऐ जे मुखमंत्री ओमर अब्दुल्ला होरें जंदी 7 मार्च गी विधानसभा च जम्मू-कश्मीर लेई 1 लख 12 जहार 310 करोड़ रुपें दा बजट पेश कीता हा। अपने बजट भाषण च ओमर होरें अन्तोदया अन्न योजना दे लाभार्थिं लेई मुफ्त बिजली ते मुफ्त राशन दा ऐलान कीता हा। विधानसभा दी बैठक हून 7 अप्रैल गी परतियै लग्गोग ते बजट इजलास दे इस दुए हिस्से दरान सत्ताधारी ते बरोधी सदस्यें आसेआ जमा करोआए गेदे प्रस्ताएं ते बिलें उप्पर चर्चा कीती जाहग।

<><><><><><>

LS-SKUAST

लेफ्टिनेंट गवर्नर मनोज सिन्हा होरें आखेआ ऐ जे संगठनें ते व्यक्तिगत तौरा पर लोकें गी बी भारत दे शाश्वत ज्ञान ते मूल्लें कदरें आहले सरिस्ते दे संरक्षण लेई अगगे औना लोड़चदा ऐ तां जे इक्क मते समृद्ध ते जागरूक समाज दा निर्माण कीता जाई सकै। एल.जी होरें एह गल्ल कल स्कॉस्ट जम्मू दे बाबा जितो आडीटोरियम च श्री कैलख ज्योतिष ते वैदिक संस्थान ट्रस्ट पासेआ आयोजित सांस्कृतिक उत्सव च हिस्सा लेंदे होई आक्खी। उनें आखेआ जे सब्भनें पीढ़ियें गी किट्ठे मिलियें भारत दी समृद्ध सांस्कृतिक विरासत दे संरक्षण ते इसी बढ़ावा देने लेई कम्म करना लोड़चदा ऐ। एल.जी होरें नौजवानें, धार्मिक संगठनें ते सिविल समाज दे सदस्यें गी गुजारिश कीती जे ओह देसै दी कुदरती विरासत, सांस्कृतिक विरासत ते रैहन-सैहन सरबन्धी विरासत दे संरक्षण लेई ध्यान केंद्रित करन। उनें आखेआ जे विकसित भारत दे नजरिए गी मूर्त रूप देने लेई स्थाड़े साईंसदानें, कलाकारें ते आध्यात्मिक गुरुएं दी भूमिका बड़ी महत्वपूर्ण ऐ।

Satish Sharma

ट्रांसपोर्ट मंत्री सतीश शर्मा होरें कल जेके-आरटीसी दे रेल हैड कम्पलैक्स आहले दफतरै थमां नील बनिहाल लेई बस सेवा गी शुरू करोआया। इस मौकें पर बनिहाल दे विधायक सज्जाद शाहीन होर बी उत्थे मौजूद हे। अपने संबोधन च मंत्री होरें आखेआ जे जम्मू थमां रोजा दे रोज चलने आहली इस बस सेवा दे कन्नै जहारां बढ़दे लोकें गी लाह हासल होग। उनें आखेआ जे नील बनिहाल दे मकामी लोकें दी एह इक्क चिरकी मंग ही जिसी पूरा कीता

गेआ ऐ। सतीश शर्मा होरें आखेआ जे जम्मू-कश्मीर सरकार प्रदेश च सार्वजनिक ट्रांसपोर्ट प्रणाली गी तगड़ा बनाने आस्तै बचनबद्ध ऐ।

<><><><><><>

Balpan Kavita Initiative

निक्के बच्चें च भारतीय कविताएं ते लोक गीतें गी परतियै लोकप्रिय बनाने लेई 'बालपन की कविता' नांs दी पैहलकदमी अज्जै थमां शुरू होआ'रदी ऐ। एहदी शुरूआत शिक्षा मंत्रालय नै कीती ऐ ते एहदा मकसद निक्के बच्चें लेई शुरूआती चरण च गै बेहतर समझ विकसित करना ऐ। एहदा लक्ष्य बच्चें गी उन्दी मातृभाशा च सौकखी ते मजेदार कविताएं दे राहें दुनिया कन्नै वाकफ कराना बी ऐ। प्रतियोगिता दे प्रतिभागी त्रै श्रेणिएं- प्री प्राइमरी, ग्रेड-1 ते ग्रेड-2 च लोकगीत ते कविता भेजी सकदे न। प्रतिभागी अंग्रेजी सनै सब्भनै भारतीय भाशाएं च अपनी एंट्रियां भेजी सकदे न। ओह भारतीय संस्कृतिक महत्व दी इलाकाई भाशाएं दियां कवितां ते लोक गीत बी भेजी सकदे न। एह प्रतियोगिता 22 अप्रैल तोड़ी माई गाँव वेबसाइट उप्पर चलोग ते एहदे च हिस्सा लैने आस्तै कोई प्रवेश शुल्क बी नई रक्खेआ गेदा ऐ।

<><><><><><>

RFID-Card SMVD

श्री माता वैश्वो देवी श्राइन बोर्ड दे मुख् कार्यकारी अधिकारी अंशुल गर्ग होरें श्रद्धालुं गी अपील कीती ऐ जे ओह कटड़ा थमां माता वैश्वो देवी दी जातरा शुरू करने शा पैहले अपना वैद्य आर.एफ.आई.डी कार्ड अपने कन्नै रक्खन। श्राइन बोर्ड दे इक्क प्रवक्ता नै जानकारी

दिती ऐ जे औंदे नरातें दे पर्व दौरान माता वैश्वो देवी जी दे श्रद्धालुएं दी गिनतरी च होने आहले बाददे गी दिक्खदे होई मुख कार्यकारी अधिकारी होरें सब्भनैं सरबंध्यत धड़ें ते सुरक्षा एजेंसिएं बश्कार संगठित जत्नैं दे महत्वैं उप्पर लोऽ पाई ऐ। अंशुल गर्ग होरें माता वैश्वो देवी जी दी जातरा दौरान इक्क मजबूत सुरक्षा प्रणाली पर जोर पांदे होई सी.सी.टी.वी कैमरें दे राहें हर बेल्लै निगरानी यकीनी बनाने लेई बी आखेआ। एह कैमरे हर रोज चौबी घंटे कटड़ा थमां भवन तोड़ी दे रस्ते दी निगरानी करडन। मुख कार्यकारी अधिकारी होरें श्रद्धालुएं गी गुजारिश कीती ऐ जे आह जातरा शुरू करने षा पैहले आर.एफ.आई.डी कार्ड अपने कश रक्खन तां जे जातरा दौरान उ'नेंगी कुसै किस्मा दी कोई परेशानी नेई झल्लनी पवै।

<><><><><><>

Gold Monetization

सुन्ने दे मुद्रीकरण आहली योजना जी.एम.एस दी दरम्यानी ते लम्मी अवधि आहली सरकारी जमा योजना अज्जै थमां बंद होआ'रदी ऐ। वित्त मंत्रालय नै आखेआ ऐ जे सुन्ने दे मुद्रीकरण आहली योजना दे प्रदर्शन ते बजारें दे बदलदे हालात दा आंकलन करने परैंत इसी बंद कीता जा'रदा ऐ। मंत्रालय नै इब्बी आखेआ ऐ जे सुन्ने दे मुद्रीकरण आहली योजना दे तैय संग्रैह ते शुद्धता परीक्षण केंद्रें, जी.एम.एस मोबिलाइजेशन, संग्रैह ते परीक्षण एजेंटें जां तैय बैंक शाखें च इनेंगी जमा करने दे नमें आवेदन हून मंजूर नेई कीते जाडन।

<><><><><><>

Gujrat-UCC

उत्तराखंड दे बाद गुजरात समान नागरिक संहिता लागू करने आहला देसै दा दुआ राज्य बनी जाग। राज्य दे विधि मंत्री ऋषिकेश पटेल होरें राज्य विधानसभा च आखेआ जे यूणसीणसी राज्य दे सब्भनैं लोकें लेई बरोबर न्याय सुनिश्चित करने ते एक भारत श्रेष्ठ भारत दे सुखने गी पूरा करने दी दिशा च इक महत्वपूर्ण गैह् ऐ। पटेल होरें आखेआ जे न्याय आहली प्रक्रिया गी गति देने लेई राज्य सरकार नै राजकोटए सूरत ते बडोदरा जिला मुख्यालयें च एहदे लेई सरिस्ता करने दा प्रावधान कीता ऐ। स्हाढ़े संवाददता नै दस्सेआ जे विधि विभाग लेई बजट कल राज्य विधानसभा च पारित कीता गेआ।

<><><><><><>